

卷一



王左丞集引

王僧孺作南海曰遺子孫者

不在越裝而平生聚書与

任沈博且多異本迺元官

沈自廉則英祐者一官宿書

之虞都為過計不齋梁之

安政七

王僧孺

王僧孺

三五八



三才集  
際鍊百未興畜書俱有本  
而能積玉膏既喜是以難  
也史謂世考文好用彩子人  
所未見金碧愛世自曾之取  
駢筆無遠者徐之所舒文  
三滯情屢昂首而峰嶸乍

捐心而淒絕展讀數過使人  
叫跳而欲休豈待暢腸滴而  
化石度脂燠以作橙然後為  
奇哉因挾僧孺幼孤甘母携  
之入市值中丞鹵簿驅迫溝  
中厥後自為中丞引驕清



道悲不自禁人生虎鼠推  
遷難料如此君玉性所鍾  
六齡五六歲時讀孝經轉  
熟也

張燠識

王左丞集目錄

卷一

賦

賦體

樂府

朱鷺

鼓瑟曲有所思

白馬篇

古意



王左丞集  
目錄  
登高臺

湘夫人

詩

侍宴

又

落日登高

中川長望

贈顧倉曹

秋日愁居答孔主簿

至牛渚憶魏少英

寄何記室

何遜贈王左丞僧孺附

何遜敬酬王明府僧孺附

忽不任愁聊示固遠

爲何庫部舊姬擬薜蘿之句

何生姬人有怨

爲人傷近而不見

月夜詠陳南康新有所納



詠擣衣

與司馬治書同聞隣婦夜織

爲人迷夢

侍宴景陽樓

春日寄鄉友

夜愁示諸賓

送殷何兩記室

春閨怨

秋閨怨

詠寵姬

在王晉安酒席數韻

爲人寵姬有怨

爲姬人自傷

爲人有贈

見貴者初迎盛姬聊爲之詠

傷乞人

春思絕句

爲徐僕射妓作



聯句

阻雪連句遙贈和

卷二

表

吏部郎表

爲臨川王讓太尉表

爲南平王讓儀同表

爲韋雍州致仕表

爲南平王妃拜改封表

謝曆表

牋

逮詣南司辭府牋

啓

謝除吏部郎啓

謝賜于隋利國所獻檟榔啓

謝齊竟陵王使撰衆書啓

爲蕭監利求入學啓

答釋法雲啓



教

南海郡求士教

書

與何炯書

答江琰書

與陳居士書

序

詹事徐府君集序

臨海伏府君集序

卷三

碑

中寺碑

栖玄寺雲法師碑

墓誌銘

豫州墓誌銘

傳

太常敬子任府君傳

誄



從子永寧公誄

祭文

祭禹廟文

佛事文

禮佛唱導發願文

懺悔禮佛文

初夜文

附錄

王僧孺傳

陳姚察

王僧孺傳

唐李延壽

為蕭揚州薦士表

梁任昉

別王僧孺

齊謝朓

贈王僧孺

梁任昉

入蘭臺贈王治書

梁吳均

遺事



王左丞集

入蘭臺觀王台書

梁吳

觀王曾齋

梁封

觀王曾齋

齊博

附錄為蕭梁州蕭士表

梁封

王曾齋

曹李

王左丞集卷之一

梁東海王僧孺僧孺著

明閩漳張 燮紹和纂

賦

賦體

雜沓兮翠旌容與兮龍駕新桐兮始華乳雀兮  
初化思治兮終朝求人兮仄夜竟大德之未謝  
何飛光之徒舍



樂府

朱鷺

因風弄玉水映日上金堤猶持畏羅繳未得異  
鳥鷺聞君愛白雉兼因重碧雞未能聲似鳳聊  
變色如珪願識昆明路乘流飲復棲

鼓瑟曲有所思

夜風吹熠燿朝光照昔耶昔耶瓦松也幾銷糜

蕪葉空落蒲桃一作花不堪長織素誰能獨浣

沙光陰復何極望促反成賒知君自蕩子奈妾



亦倡家。

白馬篇

千里生羣乳。玉韉黃金勒。散蹄去無已。搖頭意  
相得。豪氣發西山。雄風擅東國。飛鞚出秦隴。長  
驅繞岷棘。承謨若有神。稟筭良不惑。潏汨河水  
黃。參差嶂雲黑。安能對兒女。垂帷弄毫墨。兼弱  
不稱雄。後得方爲特。此心亦何已。君恩良未塞。  
不許跨天山。何由報皇德。

古意

青絲控燕馬。紫艾飾吳刀。朝風吹錦帶。落日映  
珠袍。陸離關右客。照耀山西豪。雖非學詭遇。終  
是任逢遭。人生會有死。得處如鴻毛。寧能偶雞  
鶩。寂寞隱蓬蒿。

登高臺

試出金華殿。聊登銅雀臺。九路平如掌。

一作千砥

門洞已開。軒車映日過。簫管逐風來。若非邯鄲  
美。便是洛陽才。

湘夫人



王左丞集 卷一  
桂楸承薜帷。耿耿川之湄。白蘋徒可望。綠芷竟  
空滋。日暮思公子。銜意嘿無辭。

登高臺

登高臺

皇升蚤數人。主會百取。昇數收。斷手。登高臺。斷髮。  
和所對。關古。客。照。山。西。臺。難。非。學。端。思。絲。  
青。絲。對。滿。滿。紫。艾。滿。吳。八。博。風。吹。嚴。帶。紫。日。舉。

詩

侍宴

麗景屬春餘。清陰澄夏首。交枝隱脩逕。迴流影  
遙阜。徙帷轢輕筠。移鑿拂高柳。去矣勞茂績。勉  
哉報嘉誘。小臣良不才。涓塵愧所守。何用勝雕  
斲。譬木良如朽。

又

題輿避暑宮。下輦迎風館。散漫輕烟轉。霏微商  
雲散。蔓草亘巖垂。高枝起天半。回風稍驚水。落



王左丞集 卷一 四  
光漸斜岸妙儻駐行雲清歌入層漢睍顏暢有  
憚德音良已粲

落日登高

憑高且一望目極不能捨東北指青門西南見  
白社軫軫河梁上紛紛渭橋下爭利亦爭名驅  
車復驅馬寧訪蓬蒿人誰憐寂寞者

中川長望

長川杳難卽四望四無極安流寧可值憤風方  
未息危帆渡中懸孤光巖下晃岸際樹難辨雲  
中鳥易識莫恨東復西誰知迂且直故鄉相思  
者當春愛顏色獨寫千行淚誰同萬里憶

贈顧倉曹

洛陽十二門樓闕似西崑曖曖果愚下相望隔  
畫垣畫垣向阿閣棲鳳復棲鴛五曹均趨奏六  
尚等便煩朝爐何馥馥夜錦有餘溫日中驅上  
駟驥首遍京宛晨趨魏公子夕宿韓王孫夙昔  
今何在生平棄不論譬如菴菴草心謝葉空存  
誰復三乘曉獨念九飛魂



秋日愁居答孔主簿

首秋雲物善書暑且猶清日華隨水汎樹影逐  
風輕依簾野馬合當戶昔耶生物我一無際人  
鳥不相驚儻過北山北聊訪法高卿

至牛渚憶魏少英

楓林曖似畫沙岬淨如掃空籠望懸石回斜見  
危島綠草閑遊蜂青葭集輕鷁徘徊洞初月浸  
淫漬春潦非願歲物華徒用風光好

寄何記室

思君不得見望望獨長嗟夜風入寒水晚露拂  
秋菴何由假日御暫得寄風車

何遜贈王左丞僧孺附

欄外鶯啼罷園裏日光斜遊魚亂水葉輕燕  
逐風花長墟上寒靄曉樹沒歸霞九華暮已  
隱抱鬱徒交加

何遜敬酬王明府僧孺附

星稀初可見月出未成光澄江照遠火夕霞  
隱連檣賤軀臨不測玉體畏垂堂念別已零



王左丞集 卷一  
淚況乃思故鄉

忽不任愁聊示固遠

去秋客舊吳。今春投故越。淚逐東歸水。心挂西斜月。未應歲貶顏。直以憂殘髮。

爲何庫部舊姬擬薜蘿之句

出戶望蘭薰。寒簾正逢君。斂容裁一訪。新知詎可聞。新人含笑近。故人含淚隱。妾意在寒松。君心逐朝槿。

何生姬人有怨

寒樹棲羈雌。月映風復吹。逐臣與棄妾。零落心可知。寶琴徒七絃。蘭燈空百枝。顰容不足效。啼粧拭復垂。同衾成楚越。異國非仳離。

爲人傷近而不見

羸女鳳凰樓。漢姬栢梁殿。詎勝仙將死。音容猶可見。我有一心人。同鄉不異縣。異縣不成隔。同鄉更脈脈。脈脈如牛女。何由得一語。

月夜詠陳南康新有所納

二八人如花。三五月如鏡。開簾一種色。當戶兩



王右丞集 卷一 七  
相映重價出秦韓。高名入燕鄭。十城屢請易。千金幾爭聘。君意自能專。妾心本無競。

詠擣衣

足傷金管遽。多愴緹光促。露團池上紫。風飄庭裏綠。下機驚西眺。鳴砧遽東旭。芳汗似蘭湯。雕金辟龍燭。散度廣陵音。摻寫漁陽曲。別鶴悲不已。離鸞斷還續。尺素在魚腸。寸心憑鴈足。

與司馬治書同聞隣婦夜織

洞房風已激。長廊月復清。藹藹夜庭廣。飄飄曉棧輕。襍聞百蟲思。備傷一鳥聲。鳥聲長不息。妾心復何極。猶恐君無衣。夜夜當牕織。

爲人述夢

工知想成夢。未信夢如此。皎皎無片非。的的一皆是。以親芙蓉褥。方開合歡被。雅步極嬌妍。含辭恣委靡。如言非倏忽。不意成俄爾。寤寤盡空無。方知悉虛詭。

侍宴景陽樓

金鋪爍可鏡。桂棟儼臨雲。沾觴均飲德。服道驗



三五五集 卷一  
朝聞詎論禹無間非恥堯爲君小臣亦何者短  
翮屢追群

春日寄鄉友

旅心已多恨春至尚離群翠枝結斜影綠水散  
圓文戲魚兩相顧遊鳥半藏雲何時不憫默是  
日竄思君

夜愁示諸賓

簷露滴爲珠池水合成壁萬行朝淚瀉千里夜  
愁積孤帳閉不開寒膏盡復益誰知心眼亂看

朱忽成碧

送殷何兩記室

掩袖出南浦驅車送上征飄飄曉雲駛濼濼日  
潮平不肖余何惜無貲爾勿輕倘有還書便一  
言訪死生

春閨怨

愁來不理鬢春至更攢眉悲看蛺蝶粉泣望蜘蛛  
蛛絲月映寒蛩禱風吹翡翠帷飛鱗難託意駛  
翼不銜辭



秋閨怨

斜光隱西壁暮雀上南枝。風來秋扇屏。月出夜  
燈吹。深心起百際。遙淚非一垂。徒勞妾辛苦。終  
言君不知。

詠寵姬

及君高堂還。值妾妍粧罷。曲房寒錦帳。迴廊步  
珠履。玉釵時可挂。羅襦詎難解。再顧連城易。一  
笑千金買。

在王晉安酒席數韻

窈窕宋華容。但歌有清曲。轉盼非無以。斜眉幸  
相矚。詎減許飛瓊多。玉臺作絕勝劉碧玉。何因送款  
款。半飲杯中醪。

爲人寵姬有怨

可憐獨立樹。枝輕根易搖。已爲露所挹。復爲風  
所飄。錦衾襞不開。端坐夜及朝。是妾愁成瘦。非  
君重細腰。

爲姬人自傷

自知心裏恨。還向影中羞。迴持昔憊憊。變作今



悠悠還君與妾扇

一作

歸妾奉君琴，斷弦猶可

續心去最難留。

爲人有贈

碧玉與綠珠，張盧復雙女。曼聲正難匹，長袂世無侶。似出鳳凰樓，言發瀟湘浦。幸有寒裳便，含情寄一語。

見貴者初迎，盛姬聊爲之詠

久想專房麗，未見傾城者。千金訪繁華，一朝遇容冶。家本薊門外，來戲叢臺下。長卿幸未匹，文

君復新寡。

傷乞人

少年空扶轍，白首竟填溝。葦蓆何由足，菽藿不能周。自顧非好乞，行且欲包羞。勞君款曲問，昂此殷勤酬。馳才草珠實，條問擊

春思絕句

雪罷枝卽青，冰開水便綠。復聞黃鳥聲，全作相思曲。

爲徐僕射妓作



日晚應歸去上客強盤桓稍知玉釵重漸見羅襦寒

若王君思歸口屬心切...

此類懽懽風風...

翁周自爾非我之行且...

心平空并憐白首竟...

久想謝子人...

保齊襟裏...

聯句

阻雪連句遙贈和

積雪皓陰池北風鳴細枝九達密如繡何異遠

別離謝朓風庭舞流霰冰沼結文漸飲春雖以燠

欽賢紛若馳江秀珠霏條間響玉溜檐下垂杯

酒不相接寸心良共知王丞飛雲亂無緒結冰

明曲池雖乖促席讌白首信勿虧王蘭陵飄素

瑩簷溜巖結噎通岐罇罍如未澣况乃限音儀

謝洗原隰望徙倚松筠竟不移隱憂慙萱樹忘

馬昊



懷待山巵 劉中書繪 初昕逸翮舉日晏駑馬疲幽山

有桂樹歲暮方參差 沈右率約

王左丞集卷之二

梁東海王僧孺僧孺著

明閩漳張燮紹和纂

表

吏部郎表

臣生輕飛籜品細疏壤寂寞州間取淪室竇不自求於善管寧許人以能官從班隨牒自安疎達豈望翰飛終知跡滯一逢浸漉幾聞昭晉假拙為心變竒成偶寧為天覆地長復與雨露相



王左丞集 卷二  
滋秋成春發必如暄寒無爽自變泥塗多超嵩  
鄧屢考固其比越在累誠於可聞方愧朱紫永  
情鈞衡固惟許李終非王畢取其清尚同所經  
企求之碎密寧可庶幾

爲臨川王讓太尉表

臣聞一匹以長望千里而成累空輪易聘觸三  
尺而不登苟曰違方難用適遠安車駟馬望高  
闕而朝至繡服緹麾輶康衢而暮返行瞻畫虎  
居對蒼龍陛下海涵春育日鏡雲伸追大道之  
無私惜微臣之宜極



爲南平王讓儀同表

臣聞石瓠難剖用謝錡壘槐木云庇事垂丹纒  
逢聖徼天一朝賞至非能聲均吳楚譽將梁陳  
故以神夢紫霄心飛丹掖品同儀比愧眩莫殊

爲韋雍州致仕表

一旦攀附遂無涯限排雲矯漢飛捧待翼陸離  
蟬組照灼旛旗受脈推轂執珪奉酌變狹室於  
高門收小冠於侯服况復還周紐其六印歸齊  
列其五鼎常懼輪輕載積基薄墉高噐覆危傾  
人指鬼瞰老與年并疾隨衰及途遙齒截漏迫  
鐘鳴高春之景一斜不周之風忽至茵聽夕陰  
倏駛無幾董薜朝采飄零已及仰朱闕而掩涕  
俯濛谷而自悲豈復式瞻拱默仰接鐘鼓儻帷



盖未親東岳稍駐擊壤鼓腹其賜猶多

高門如小塚  
欒荆期以對  
嚴周臨其六  
甲誤齊  
輓餘照以  
翻其受期  
封薄持去  
本惜  
變外室  
欒  
一旦攀州  
後無我  
期非雲  
猷藪  
非林  
奇異  
到  
為草  
取  
以  
廷  
封  
表

為南平王妃拜改封表

拜妾為南平王妃奉命震慙有灼丹寸妾瞻絲  
望悅且或多慙鏡史觀圖是焉知愧以茲眇薄  
有儷蕃儀紉組不聞饅醢盖闕不悟玄造曲被  
徽渥愈臻改服遞名事華品貴恩深外邸榮照  
下庭豈期輜弱所能勝荷



謝曆表

竊以龍馭不爽靡見侵薄鳳職是司曾無具腠  
璧聯珠燦輪映階平義實明時事惟均政固以  
先天候其餘始執杓驗其平分九瀛仰化萬寓  
依朔

牋

逮詣南司辭府牋

下官不能避溺山隅而正冠李下旣貽疵辱方  
致徽繩解錄收簪且歸初服竊以董生偉器止  
相驕王賈子上才爰傳卑主下官生年有值謬  
仰清塵假翼西雍竊步東閣多慙衺服取亂長  
裾高榻相望直居坐右長階如畫獨在僚端借  
其從容之詞假以寬和之色恩禮遠過申白榮  
望多厠應徐厚德難逢小人易說方謂離腸隕



王左丞集 卷二 五  
首不足以報一言露膽披誠何能以酬屢顧寧  
謂尉羅裁舉微禽先落間闔始吹細草仍墜一  
辭九畹方去五雲縱天網是漏聖恩可待亦復  
孰寄心骸何施眉目方當橫潭亂海就魚鼈而  
爲群披榛捫樹從虺虺而相伍豈復仰聽金聲  
式瞻玉色顧步高軒悲如霰委踟躕下席淚若  
綆縻

啓

謝除吏部郎啓

自一遇休明多逢渥澤出斯溝壑置之霄漢清  
塗華轍叨厠累仍顯職名階俄來倏至而智効  
必其無取尤息忽焉已彰不意涵養更滋霧霈  
愈此始職樞華紛體恒選知非臆族必待俊民  
何言賤劣所或叨假循涯測限生所不勝瞻恩  
奉德死何能報



謝賜于阗利國所獻檳榔啓

竊以文軌一覃充佩斯及入侍請朔航海榜山  
獻琛奉貢充庖盈府故其取題任賦多述俞書  
萍實非其荔葩慙美

謝齊竟陵王使撰衆書啓

伏惟殿下銅爵始成早摛從后之句柏梁初構  
首屬駮駕之辭楚史所受曾不云述沛獻斯陳  
良未足採徒以願托後車以望西園之客攝齊  
下坐有糝南皮之游謬服同於魯儒竊吹等乎

齊樂



王左丞集 卷二  
爲蕭監利求入學啓

竊以矯首伺飛不如修戈斲足念遠莫若驅鑣  
故樸斲成於丹艧篠蕩資於栝羽敢因葶未有  
志庠均爲山資於一簣學海漸其微流

答釋法雲啓

辱告惠示迸主上所答群臣仰諮神滅論伏覽  
循環載深鑽奉發蒙祛蔽朗若披雲竊以事蘊  
難形非聖莫闡理寂區位在愚成惑若非神超  
繫表思越機前豈能燭此微言若開金石洞茲  
玆境曾靡榛蹊喻之以必薦示之以如在使夫  
持論者不終泥于遙轍專謬者無永沈於惑海  
預奉淵暮孰不懽肅裁此酬白不申擊舞王僧  
孺呈



教

南海郡求士教

文舉下車寤夢於根矩長孫入境明發於龍丘  
此境三閩奧壤百越舊都漢開吳別分星畫部  
風序泱泱衣簪斯盛其川岳所產豈直明珠大  
貝桂蠹翠羽而已哉孝實人經則有羅威唐頌  
學惟業本又聞陳元士燮至於高尚獨往相望  
於嶼巘懷仁抱義繼蹤於前史



貝卦蠱學師而已法孝實人豈限有羅漢書  
風亨央央本替淇益其川昔謂豈直即耗大  
此與三閭與集百姓誓清冀開吳照分呈畫階  
文舉丁車謫夢外外取身新入謝明樂外請立  
南嶽馮求士

書

書

與何爛書

近別之後將隔暄寒思子爲勞未能忘弭昔季  
叟入秦梁生適越猶懷悵恨且或吟謠况岐路  
之日將離嚴網辭無可憐罪有不測蓋畫地刻  
木昔人所惡叢棘旣累於何可聞所以握手戀  
戀離別珍重弟愛同鄒季滯滯承曉吾猶復抗  
手分背羞學婦人素鍾肇節金飈戒序起居無  
恙動靜履宜子雲筆札元瑜書記信用旣然可



樂爲甚且使目明能祛首疾甚善甚善吾無昔  
人之才而有其病癩眩屢動消渴頻增委化任  
期故不復呼醫飲藥但恨一旦離大辱蹈明科  
去皎皎而非自汗抱鬱結而無誰告丁年蓄積  
與此銷亡徒竊高價厚名橫叨公器人爵智能  
無所報筋力未之酬所以悲至撫膺泣盡而繼  
之以血顧惟不肖文質無所底蓋困於衣食迫  
於饑寒依隱易農所志不過鍾庾久爲尺板斗  
食之吏以從皂衣黑綬之役非有竒才絕學雄

略高謨吐一言可以匡俗振民動一議可以固  
邦興國全璧歸趙飛矢救燕偃息藩魏其卧安  
郢腦日逐髓月支擁十萬而橫行提五千而深  
入將使執圭裂壤功勒景鐘錦繡爲衣朱丹被  
轂斯大丈夫之志非吾曹之所能及也直以童  
句少才蟲篆末藝含吐緗縹之上翩躚罇俎之  
側委曲同之鍼縷繁碎譬之米鹽孰致顯榮何  
能至到加性疎澁拙於進取未嘗去來許史遨  
遊梁竇俛首脅肩先意承旨是以三葉靡邁不



與運并十年未徙孰非能薄及除舊布新清暑  
方旦抱樂銜圖訟謳有主而猶限一吏於岑石  
隔千里於泉亭不得奉板中涓預衣裳之會提  
戈後勁厠龍豹之謀及其投効歸來恩均舊隸  
升文石登玉陛一見而降顏色再覩而接話言  
非藉左右之容無勞群公之助又非同席共研  
之夙逢筭餌卮酒之早識一旦陪武帳仰文陛  
備聃佚之柱下充嚴朱之席上入班九棘出專  
千里據操撮之雄官參人倫之顯職雖古之爵  
人不次取士無名未有躡景追風奔驟之若此  
者也蓋基薄牆高塗遙力躡傾蹙必然顛匍可  
俟竟以福過災生人指鬼瞰將均宥器有驗傾  
卮是以不能早從曲影遂乃取疑邪徑故司隸  
懍懍思得應弦譬縣厨之獸如離繳之鳥將充  
庖鼎以餌鷹鷂雜事異鑽皮文非刺骨猶復因  
茲舌杪成此筆端上可以投畀北方次可以論  
輸左校變爲丹楮充彼春薪幸聖主留善貸之  
德紆好生之施解網祝禽下車泣罪愍茲恚詬



憐其齧齧加肉朽齧布葉枯株輟薪止火得不  
銷爛所謂還魂斗極追氣泰山止復除名爲民  
幅巾家巷此五十年之後人君之賜焉木石感  
陰陽犬馬識厚薄圓首方足孰不戴天而竊自  
有悲者蓋士無賢不肖在朝見嫉女無美惡入  
宮見妬家貧無苞苴可以事朋類惡其鄉原恥  
彼戚施何以從人何以狗物外無奔走之友內  
乏強近之親是以構市之徒隨相媒孽及一朝  
捐棄以快怨者之心呼悲可矣蓋先貴後賤古  
富今貧季倫所以發此哀音雍門所以和其悲  
曲又迫以嚴秋殺氣具物多悲長夜展轉百憂  
俱至况復霜銷草色風搖樹影寒蟲夕叫合輕  
重而同悲秋葉晚傷雜黃紫而俱墜蜘蛛絡幕  
熠燿爭飛故無車轍馬聲何聞鳴鷄吠犬俛眉  
事妻子舉手謝賓遊方與飛走爲隣未用蓬蒿  
自沒愾其長息忽不覺生之爲重素無一屨之  
田而有數口之累豈日匏而不食方當長爲傭  
保糊口寄身溘死溝渠以實螻蟻悲夫豈復得



與二三士友抱接膝之歡履足差肩攜綺縠之  
清文談希微之道德唯吳馮之遇夏馥范式之  
值孔嵩愍其留賃憐此行乞耳儻不以垢累時  
存寸札則雖先犬馬猶松喬焉去矣何生高樹  
芳烈裁書代面筆淚俱下

答江琰書

猥惠嘉音用蠲疾首發函伸紙朗若披雲等嶰  
谷之清音比洞庭之高曲辭則美矣而擬其非  
倫譬享海鳥以醇醪嘉膳栖林狔以崇楹曾拱  
苟非其實立有驚怖况復以一離訴棄賓實淮  
然豈復能使一筭可輕八厨斯引且登清漢乍  
棄黃汗望影析支爭塗再楫其或蹲林卧石籍  
卉班荆不過田畷野老漁父樵客酌醴焚枯鳴  
鳴相勞羨藜含糗果然滿腹寧有幡旗貴客車



馬大賓獻書盡先賢之德作頌罄前皇之美豈  
不俯拾青紫坐享大夫况復詠高梧而賦脩竹  
背清淮而遊長苑留東閣以從容登石室而高  
視豈與夫身沒名隕同年而共毀譽哉

序與陳居士書

雲波遙曼燕越數千行雲鬱術征禽難使用隔  
巾車未能擗札引領南望悵矣心飛幸因劣薄  
懷童貴壤依然谷口覺子真之咫尺靜睇巖灘  
信子陵之非遠已入虛白之室用披蓬蒿之徑  
稟紛綸之高論承希微之妙旨虛往實歸用祛  
塵惑



訂于刻之非數日人盡白之室用對數萬之至  
 剡章貴樂外然谷口覺于真文以久精細盡職  
 巾車未始離休臣於南望却矣心深幸因公載  
 雲刻數曼燕越樓千寸雲贊尚五舍韓時用開  
 與刺岳士書

序

詹事徐府君集序

君稟靈川岳懸精辰象早照珪璋夙表岐嶷孝  
 睦天稟友愛冥深故以事顯家庭聲著同族年  
 十八見召為國子生曳裾持卷寔華庠璧有均  
 閉戶靡因餘竈每攝齊函丈左右屬目蓄以鄰  
 幾之性加以入神之資聞一知二師逸功倍遊  
 魏闕而不殊江海入朝廷而靡異山林未嘗投  
 刺權門驅車戚里遨遊梁董去來賈郭時春秋



猶少人爵未崇而清風嘉譽震灼朝野非直俯  
致貴仕故可坐享通侯而縹馬懸車閉門高枕  
恥爲詭遇試此行藏及皇運聿興重氛載廓君  
藏噐待時合猶符契陵扶搖而高鶩排閭闔而  
容與故位隨德顯任與事隆重以姿儀端潤趨  
眄淹華寶佩鳴風豐貂映日從容帷扆綽有餘  
輝自綢繆軒陞十有餘載温樹靡咎露事不訓  
省中之言無漏席下之迹不疑故以主聖臣賢  
應同堙壘以石投水如鱗縱壑行稱表綴言成  
模楷猶復忘彼豐愉安茲素薄衣同屢補食等  
三杯車服不事鮮明室宇畏其雕奩九德無遺  
百行備舉至於專心六典精贖必深汎遊群籍  
菁華無棄擗札含毫必弘靡麗摘綺縠之思鬱  
風霞之情質不傷文麗而有體



風雲文辭貫不射文蠶而百蠶

菁華無棄爾林舍亭必以爾蠶爾蠶遠之思藉  
百石萬舉至以專心六典辭勸必深我茲藉藉  
三林車期不事輶則室宇異其綱具以蠶無蠶  
蠶蠶蠶蠶必以豐制安茲素真文以蠶蠶蠶蠶

臨海伏府君集序

袁粲領袖一時儀形物右聲逾裴樂譽出王劉  
士有懷道蘊義望塵而趨者或三年而未識乍  
四旬而一見與君道合神遇投分披衿敷文研  
理匪晨伊暮至於神經怪牒綠笥丹筒金版玉  
箱錦文緹帙並藏諸靈府秘在瑤臺而君莫不  
徧探冥贖具閱局檢常以前賢往學亟與聖違  
賈馬盧鄭非無紕越荀郭何王彌多躋謬二義  
可辨未值高卿之疑九事非難不逢平叔之問



王左丞集 卷二 十八  
其詩賦銘誄所作猶多

王左丞集卷之三

梁東海王僧孺僧孺著

明閩漳張 燮紹和纂

碑

中寺碑

夫玉律追天故躔次之期不變緹室候景則發  
歛之氣罔踰是以忘言種覺絕累於後心寄像  
聲形啓機於前教兼真假之雙燭均空有而兩  
忘蘊三明而過十地圓萬行而包四等道周百



億化起大千獎導群有滋濡萬類是用發廣大  
心吐微妙理將同商主取喻醫王開方便門示  
真實相固以濯之慈水銷以慧刀永言六趣用  
均一子中寺者晉太元五年會稽王司馬道子  
之所立也斜出旗亭事非湫隘傍超壁水望異  
狹斜天監十五年上座僧慈等更換日禘架赫  
然霞立信以填金可埒引繩斯擬寫妙金樓模  
麗瓊閣岩堯偃蹇故三休而可至窅窅周流方  
中宿而斯盡萬楹百拱合沓相持繡栴玉題分  
光爭映燭龍天矯將舉復還威鳳鏗鏘如鳴更  
戢旁攀鏤檻斜登鈿砌煜爚金鋪玲瓏綺構無  
風自響不拂而淨耽耽肅肅信息心之勝地穆  
穆惜惜固忘想之嘉所銘曰

玄黃雖弭權輿未測生滅相輪成壞不極篋鮪  
爭赴藤鼠無息情塵莫捨心火方赫是用三明  
寔開五力湛寂無方示現笏所踟躕吉樹殷勤  
禪渚斯道誰匡蒸哉我王施踰寶鉢俱等檀牀  
蕭宮改構梵宇方壯階飛瑞采地起泥香日流



三石齋集 卷三  
閃爍風度清鏘道踰厥極固與天長

暮 栖玄寺雲法師碑

澗澗大家茫茫真樸多淪愛有莫辯塵濁猗歟  
息心言高理邈居之匪絢得之靡學刻情幾種  
厲想玄覺且說且定以披以握來遵北渚至依  
西岳西岳峩峩北渚迴波庭棲弱羽簷挂輕蘿  
甘麤衣惡棄厚安薄滅意囂湫寄心寥廓



壯蠱木惡棄早安萬劫意豈憐

西岳西岳嶽嶽其嶽或或或或或或

萬慙之覺且信且宜以好以好以好

息心言高聖靈岳之聖靈岳之聖靈

靈靈大家來來真對多命變有莫辨

酈文寺雲去福

墓誌銘

豫州墓誌銘

自姬發系因魏傳緒留路在趙名賢世襲相秦

將漢英雄係踵忘寵辱無愠喜靡矜夸慎嗜欲

其行軍用武勲合奇正乃治邊御衆威裕兼行

常懍懍然以中原為已任或欲十萬而橫行乍

思五千而深入尅反舊京飲馬函渭然後高卧

閒帷晤言空谷思魯連之辭賞慕田疇之高蹈

而火傳川逝長途已迫雖景鐘良史有功必書



刻板鏤石宜兼不朽銘曰

高勲藹藹長旌高旆入作爪牙出司襟帶民謠  
不息王言有會功爲上等政稱九最日隆寵秩  
方登遠大義轡難留濛水易收祕丘玄戶杳杳  
悠悠

傳

太常敬子任府君傳

恥一物之不知惜寸陰之徒靡下帷閉戶投斧  
懸梁雖玄晏書淫文勝經溢康成之忽忘所往  
公叔之顛墜硯岍無以異也若夫天才卓爾動  
稱絕妙辭賦極其精深筆記尤盡典實若聞金  
石似注河海少孺速而未工長卿工而未速孟  
堅辭不逮理平子意不及文孔璋傷於健仲宣  
病於弱其有集論尚書窮文質之敏駐馬停信



極疊疊之功莫尚於斯焉君職等曹張聲高左  
陸時乃高闢雪宮廣開雲殿秋窓春戶冬燠夏  
清九醞斯浮百羞並薦雲銷月朗聿茲遊客朋  
來旅見辭人才子辯圖學林莫不含毫咀思爭  
高競敏乃整袂端襟翰飛紙落豪人貴仕先達  
後進莫不心服貌慚神氣將殫顧余不敏厠夫  
君子之末可稱冥契是爲神交二三君子唯以  
從游日暮亭號昭仁庶子雲咫尺康成斯在借  
此嘉言將無絕乎千載

誄

從子永寧令誄

余之從子謙字幼光以昭陽紀歲蕤賓旅月啓  
足閩隅瞑目泉岫是殲才子實喪俊民若其孝  
親睦友故非天墮地出異才絕學如有鬼告神  
授玉懷瑕而可指桂含蠹其取傷孰與九德彰  
於造次百行動爲表徵一作綴吐論含毫宣赴鍾  
瑄標心用已懸符矩護惠響棲道清心可鏡和  
而靡屈簡而周爽邃若凝雲潔如止水無慙座



右不愧屋漏蒼苔繞路素塵滿席蕭索庭戶靡  
事鮮明沉淪典籍將絕弔賀室如夏甫狀等安  
期所有清塵唯不能忘懷藝而已斯美宜久宜  
長而驥驟之步中徂鸞驚之趨未矯一歸寥廓  
長反虛無雖東隅再暝鉗丙之御無及壯顧相  
望隸首之數不盡而怛化非常人所不免况風  
雲萬里間此山川客思故鄉次房之念何極輕  
棺反蜀允南之思可知而魂兮渺渺扁舟靡靡  
生人之望已冥歿歸之期又阻痛心傷目豈伊  
一事無以少寄辛傷故復誅之云爾

昭昭洪胄映策光書違羸避項從衛遷徐基忠  
踐孝抱約懷虛有顯而默匪屈伊舒如茲邴魏  
譬彼董疎入登高闕出啓精廬瞻星畫野望闡  
推車履仁不匱蹈道有餘九世盛矣七葉光諸  
往弼睿主來傳英儲峨峨三祖羅室並居前瞻  
紫闕徬望白渠高軒霞被四馬龍攄温温司武  
皎皎秘書義高松竹價重璠璣元昆世父重規  
疊矩容與學丘徘徊詞府青紫已拾大夫斯取



盛藩徃相名畿來撫暉光不已驚生之子謾謾  
萬尋昂昂千里實鳳匪雜真龍非似均情遽寧  
得意莊李室有虛白門無囂滓遺心沮勸忘懷  
愠喜貧靡斯攝富其無恥險而不峭方而能理  
德有潤身學斯爲已逸羽難集孤峰易峙南邁  
瑤琨西踰杞梓人亦有言名爲實使譽傾邦國  
價騫州里崇蘭自芳珷玉自光汪汪巨壑曖曖  
重牆靡造靡請不迎不將久而愈敬狎而愈莊  
卽無矯資此有循常默非蓄短顯弗用長豈伊

陸羊如彼懸梁唯學已聚待問則強偏在三篋  
兼下五行亦稅其中于彼王吏如龍宮楚有斯  
內侍蘊此上才安茲下位儲扉始闢傳府初開  
爾其戾止辟彼昔才從斯簡帝仍此追陪何以  
自茲翰飛傍佐戎列來攝儒衣儒衣濟濟  
訪對斯歸是義罔惑唯禮無違悠悠越嶂泱泱  
閩海薄言銅墨蒲密斯在孰云識吏政均舊宰  
循猛是兼絃韋無怠補袍方服治情莫改增貲  
匪課歸民自倍十郡爲則百城斯採化日未逢



政稱異等斯痛斯傷喪善殲良妖同武擔疾甚  
清漳闔棺陋邑掩櫬蕪鄉嗚呼哀哉耿耿輕軀  
悠悠長塗風生閭闔日去昆吾空歸故國寧識  
舊都水鳴秋鶴岸集寒鳥寒不夜哭惟獨呱呱  
茫茫大塊杳杳玄墟嗚呼哀哉伊吾與爾大別  
唯名肥泉猶接瓜瓞未輕義雖子道思實友生  
歡憂共日險泰均情如菊有芬如蘭有薰別唯  
慕類居實呼群盡日持論遙夜披文漸清義老  
祖述淵雲唯昏及旦自旭徂曛人道實難譬彼  
祖湍驅車峭嶝執手河干三川縈薄七嶺悠憂  
自茲不見心警迴瀾歲佇會商日望音翰歡無  
一緒悲有萬端濛陰遽戢扶景易殘卽斯大暮  
爲此一棺山足難曉壟首易寒秋蟲相叫暮羽  
來搏宿草行沒宰樹方攢昭塗長已大夜斯安  
孰知冥默徒此汎瀾嗚呼哀哉



其以真想我此其開皇聖德

亦許亦草亦炎宰樹才博深登其日入郊淇安

為此一許山最難報首場寒終歲賦中暮

一餘悲育萬流劫劍邊短景長以唱德大暮

自茲不具以警國賊守會面

於流驅車制劉持手回于三川

祭文

祭禹廟文

惟帝稟圖上昊貽則下民五聲窮聽四乘兼往

輕璧惜景既捨冠履愛人忘我不顧胼胝下車

以泣事深罪已憑舟靡懼義存拯物盛業方來

遺神如在慶被昆蟲理有好生之德事安菲素

固無厚味之求是用黍稷非馨蘋蘩以薦克誠

斯享憑心可答



佛事文

禮佛唱導發願文

夫至覺玄湛本絕聲言妙慮虛通固略筌象雖  
事絕百非而有來斯應理亡四句故無感不燭  
皇上道照機前思超繫表凝神汾水則心謝寰  
中屈道軒丘則形勞宇內斯乃法悉降迹示現  
闡浮之境大權住地俯應娑婆之域故欲洗拔  
萬有度脫群生濯淨水於寶池蔭高枝於道樹  
折伏攝受之仁遇緣而咸拯苦言軟語之德有



感而斯唱日用不知利益莫限衆等相與增到

奉逮至尊五體歸命敬禮云云仰願皇帝陛下

至道與四時並運玄風與八埏共廣及淳源於

三古捨澆波於九代至治已覩於今日大道復

屬於此時虎豹蹈而不驚虺蛇踞而莫噬埋金

抵玉毀契焚文嘉禾生醴泉出金車玉馬自相

暉曜玄鶴丹鳳飛鳴來往光景之所照燭舟車

之所驅汎若不屈膝係頸迴首革音入侍藁街

迎拜渭水與天地而長久等金石而逾固中岳

可轉長河有清而我聖皇愈温愈粹不言而化

行無爲而教肅

夫道備監撫望表元良察遠知微貫宗勾極不

勞斧藻無待審諭况復靜悟空有同觀貞俗能

行能說既信既持衆等齊誠奉逮儲君殿下歸

命敬禮云云仰願皇太子殿下厚德體於蒼莽

廣載侔於礚礚前星照曜東離煥炳淑聞自遠

和氣熏天異才爭入端人並至玉體怡清金聲

妙越



夫茂實英聲道周德廣秉珪襲衮之貴坐槐憩棠之尊猶應與惜東暎俱各西嶠悟蕉蘆之非實知鏡月之虛銜信秉電之不留驗畫水之隨合惟宜照之智炬灌以寶瀾增此睿根成斯妙植又各增到奉遠太尉等諸王殿下歸命敬禮

云 仰願諸王既明且哲聲跨於河楚令聞令望道均於旦奭德貫右戚義藹周親作鉉則與二曜相終臨岳則與四維等固若彭涓之遐永

譬松筠之貞悅

夫天枝峻密帝葉英芬莫不王震蘭搖金鏘桂縛觀寸文而驗錦觀一毛而測鳳並能才高銅爵詞富雲臺彬彬疊疊超超灼灼以斯勝善奉逮諸王殿下歸命敬禮

云 仰願諸王殿下穆穆與清風並扇英英將白雲與朗水鍾清社長享元吉出牧則聲高民土入朝則譽光物右德重山王智超海藏鏗鏘麗於珠樹皎鏡光於玉

田

夫道流雲幄德感椒闈必以前藉勝因宿稟嘉



數况重霑法雨更披慧日雖異姜后解珥請罪  
於周王不待樊姬捨肉有激於荆后而遵恭儉  
去嗜欲拚彫璣撤靡麗了心不滯正見無疑衆  
等齊誠奉爲六宮眷屬歸命敬禮 云云願六宮  
眷屬業華姬日聲麗媯辰震彩鑄圖傳芳詩史  
位齊寶印行等月光具六神通得四無礙

夫稟閒明之德懷深妙之心豈非修習有本故  
能依止無倦義興等諸公主忘斯華重甘此翹  
到並宿世之所記別故現前所以信了影響至

真寤寐玄極人各增到仰爲諸公主歸命敬禮

云云願諸公主日增智性彌長慧根四攝四依

已遵已蹈七善七定靡退靡輟盛此王姬光茲  
帝女長享湯沐與河山而同固永服緹綺貫寒  
暑而無窮

夫三相雷奔八苦電激或方火宅乍擬馱河故  
以尺波寸景大力所不能駐月御日車雄才莫  
之能遏其間飲苦餐毒抱痛銜悲身口爲十使  
所由意思乃八疵之主衆等相與彼我齊到懺



悔業纏無始已來至於今日所爲十惡自作教  
他見善不讚聞惡隨善焚林涸澤走犬揚鷹窮  
鄭衛之響極其旨之味戲笑爲惡倏忽成非侮  
慢形像陵踐塔寺不敬方等毀離和合自定權  
衡棄他斗斛愧心負理昧主欺親雖七尺非他  
方寸在我而能性其情在人未易恣此心口衆  
罪所集各運丹懇五體自投歸命敬禮云云願  
現前衆等身口清淨行願具足消三障業朗三  
達智五眼六通得意自在

### 懺悔禮佛文

夫有非自有有取所以有無非自無無著所以  
無故有取之惑興倏成萬累無著之念起一起  
九劫是知道之所貴空有兼忘行之所重真假  
雙照稟氣含靈莫聞斯本肖形賦影靡測由來  
故發茲識窟猶綿蒙其莫辨導此愚相尚窈冥  
而未悟茫茫有同暗海幽幽實在危城業風縈  
薄三有長驚惑水遶迴二死相屬以苦捨苦從  
暗入暗尋本不離色心卽事莫非生滅是用抱



此纏蓋輪迴生死恣其六愛興其八邪或徂詐而克昌乍仁義而溘歿或才均智等此賤彼豪或與日並時人升我墜唯言報施寂寥不知因對皎徹曩緣今果過現殖成有如符契不謬毫髮而欲以促生運其長術浮命迴其冥數當知刹那交謝瞬息不留東博纔吐西崦已仄譬閻川之駛流若栖葉之輕露僞城易弛毒樹自攻若非假實兩明真俗俱辨豈能寫誠迴向刻意修習不退不沒愈堅愈固南平大王殿下舍辰

象之正氣畜海嶽之淳靈宿侍八恒早遊七覺藉妙因於永劫招勝果於茲地若真金之愈鑿美玉之載琢是用未積已散不藏而捨故今式招靈指仰屈神儀建此齋肅譬茲關鍵盛來緇素濟濟洋洋名香遍室寶華覆地高梵宛轉寧止震木遏雲清桴遙奕非直騰魚御馬仰願四部至誠五體歸命東方云願大王殿下五畏內遣十力外扶百福莊嚴萬祉周集愕夢無忤其慮甘寢有恬其神更闡寶衢愈興慧業



夫玄極凝淡非學者所窺妙本難思豈行人能  
測是以十地云觀有羅縠之疑三乘稱見懷狂  
羊之惑自非鑒窮機覺照極冥虛窮理盡性體  
元含一安能濟世仁壽拯物貼危道包碧海聲  
高赤縣昔堯暉唯在卽世舜黑不兼來果四巡  
疲於禹迹六事倦於湯身並域中之勤勞方內  
之成益豈有度元元於苦海拔冗冗於畏途運  
神刀震法吼究香城之妙理窮金河之奧說慧  
高龍樹智出馬鳴必欲洗濯臣民獎導緇白天

覆地養水產陸生咸降慈悲悉蒙平等奉為皇

帝陛下儲君太子歸命敬禮 云云 仰願皇帝陛下

下景祚與七政相齊皇基與二曜均永地平天

成樂和禮洽玉燭道正氤氳無爽條風祥雨膏

潤相屬却馬偃伯鑄戟銷戈南洎北臨西被東

漸灑甘雨布慧雲唯繩可結在冠已盡唐哉皇

哉為導為首又願皇太子殿下睿業清暉與貞

明而並燭粹範溫儀從嵩霍而俱峻聲出姬誦

道越漢莊永沐智水長照慧日上妙居身至仁



在已自雙樹八枝潛光匿曜寶城不關慧扇方  
掩而聖后驚法輪於長路棹寶舟於遙壑道浹  
人祇福隆祧墀肅事園寢虔奉宗祏藉斯妙果  
奉逮七廟聖靈歸命敬禮云仰願重明累聖  
僂然如在騰神淨國總駕天宮託化金葉遨遊  
寶殿

夫誠心內惻則至覺如在形力外殫則法身咫尺  
步衆等相與增到爲諸王兄弟妃主戚屬歸命  
敬禮云願諸三殿下裂壤盛於諸姬磐石過

於隆漢德高魯衛義重間平論道則百辟依風  
作翰則群黎仰化弘闡至教紹隆季像第內少  
長並膺此多福若百華之春麗譬萬寶之秋成  
信解堅深翹向無怠

夫小乘志劣事唯一已大士意均乃包六趣今  
日檀主信等明珠無勞傍鏡質同挺玉不待外  
光常欲物我均心怨親等觀衆等各歸誠爲二  
十八天四王釋梵人間貧病地獄辛楚敬禮尊  
儀靈像菩提寶塔云大乘奧藏妙法深經大



身無邊身大力無量力四向四果八賢八聖願  
六氣氤氳四序熙穆至治光萬宇玄化洞九幽  
襲介披鱗濕生卵化八苦六窮三塗五道俱蒙  
惠利並識遵依刀林輟刃劍樹摧險迷域開道  
直指四衢閭室生明大啓三曜俱向道場同登  
種覺

初夜文

夫遠自無始至於有身生死輪鶩塵轢莫之比  
明暗迺來薪火不能譬逝水非駛千月難保蓼  
蟲習苦桂蠹喜甘大睡劇於據梧長昏甚於枕  
麴義非他召事實已招曾不知稟此形骸所由  
而至將斯心識竟欲何歸唯以勢位相高爭驕  
華於一旦車徒自盛競馳騫於當年莫不恃其  
雄心壯齒紅顏緇髮口恣肥醲身安輕靡繁絃  
促柱極滔湮而不厭玉牀象席窮靡曼而無已



謂悲泉若木出沒曾不關人壽烏顧免升落常  
自在彼殊不知命均脆草身為苦噐何異犬羊  
之趣屠肆麋鹿之入膳厨秋蛾拂燄而不疑春  
蠶縈絲而靡悟未辨先對不識因習及其一觸  
畏途孟門非險輟裂肢解方斯不臻其痛斷趾  
鑿肩比茲未極其苦輪迴起伏杳杳悠悠是以  
天中之天降悲提引壅夏河之長瀉撲秋原之  
猛燎或同商主乍等醫王形遍三千教傳百億  
或恣其神力或寂諸梵境言則三塗離苦矣則

曰生受樂乃應病投機解紛說理制之日夜稱  
為八關以八正鑰為法關鍵斯實出世之妙津  
在家之雄行衆等相與運誠奉逮南平王殿下

歸命敬禮

云

云

仰願大王殿下睿業清暉與南

嶽而相固貞心峻節等東溟而共廣萬累煙消  
百災霧滅巧幻所不惑彊魔莫能燒逐慘舒而  
適體隨暄涼而得性自稟儀天之氣永固膳衛  
之道得六神通力具四無礙智夫日在昆吾則  
慮繁事擾景落濛汜則神靜志怡璧月珠星含



華相照輕雲薄霧朗然自戢鳴鐘浮響光燈吐  
輝法幢卷舒拂高軒而徐薄名香郁馥出重檐  
而輕轉金表含映珠柱洞色况復天尊端疑威  
光四照煥發青蓮容與珂雪覺祇衛之咫尺若  
林園之斯在大招離垢之賓廣集應真之侶清  
梵含吐一唱三嘆密義抑揚連環不輟南平王  
體得機之敏資入神之微抱德含和經仁緯義  
善無細而不窮累有輕而必捨受同虛籥照如  
懸鏡忘象衛之尊高略拊萼之華重建希有之

勝席臨難遇之法場相與五體歸命敬禮

云

云

仰願大王殿下入不二門登一相道德階不動  
智超遠行洋溢惠聲與八風而興遠優游玉體  
等六律而相調餐雪山之良藥挹露城之甘味  
袞服瓏珪與四時而永久朱輪緹幟貫千祀而  
常然



交州博愛與四郡而宋人未解其意于其而  
等六事而時臨登雲山之其樂其靈其心其志  
皆欲表其羊益惠養與人風而與委委於王  
所願大王幾千人不二四卷一册其書不  
類潔潔漢之其世以其正對命道無有

附錄

王僧孺傳

陳姚察

王僧孺字僧孺東海郟人魏衛將軍肅八代孫  
曾祖雅晉左光祿大夫儀同三司祖淮宋司徒  
左長史僧孺年五歲讀孝經問授者此書所載  
述曰論忠孝二事僧孺曰若爾常願讀之六歲  
能屬文既長好學家貧常傭書以養母所寫既  
畢諷誦亦通仕齊起家王國左常侍太學博士  
尚書僕射王晏深相賞好晏為丹陽尹召補郡



功曹使僧孺撰東宮新記遷太司馬豫章王行  
參軍又兼太學博士司徒竟陵王子良開西邸  
招文學僧孺亦遊焉文惠太子聞其名召入東  
宮直崇明殿欲擬爲宮僚文惠薨不果時王晏  
子得元出爲晉安郡以僧孺補郡丞除候官令  
建武初有詔舉士揚州刺史始安王遙光表薦  
祕書丞王暕及僧孺曰前候官令東海王僧孺  
年三十五理尚棲約思致悟敏旣筆耕爲養亦  
備書成學至乃照螢映雪編蒲緝柳先言徃行

人物雅俗其泉遺儀南宮故事畫地成圖抵掌  
可述豈直鼯鼠有必對之辯竹書無落簡之謬  
訪對不休質疑斯在除尚書儀曹郎遷治書侍  
御史出爲唐令初僧孺與樂安任昉遇竟陵王  
西邸以文學友會及是將之縣昉贈詩其略曰  
下帷無倦升高有屬嘉爾晨燈惜余夜燭其爲  
士友推重如此天監初除臨川王後軍記室叅  
軍待詔文德省尋出爲南海太守郡常有高涼  
生口及海舶每歲數至外國賈人以通貨易舊



時州郡以半價就市又買而即賣其利數倍歷政以爲常僧孺乃歎曰昔人爲蜀部長史終身無蜀物吾欲遺子孫者不在越裝並無所取視事朞月有詔徵還郡民道俗六百人詣闕請留不許旣至拜中書郎領著作復直文德省撰中表簿及起居注遷尚書左丞領著作如故俄除游擊將軍兼御史中丞僧孺幼貧其母鬻紗布以自業嘗携僧孺至市道遇中丞鹵簿驅迫溝中及是拜日引騶清道悲感不自勝尋以公事

降爲雲騎將軍兼職如故頃之卽真是時高祖製春景明志詩五百字敕在朝之人沈約已下同作高祖以僧孺詩爲工遷少府卿出監吳郡還除尚書吏部郎參大選請謁不行出爲仁威南康王長史行府州國事王典籤湯道愍暱於王用事府內僧孺每裁抑之道愍遂訪訟僧孺逮詣南司坐免官久之不調友人廬江何炯猶爲王府記室乃致書於炯以見其意久之起爲安西戍王參軍累遷鎮右始興王中記室杜中



鄭南康王諮議參軍入直西省知撰譜事普通三年卒時年五十八僧孺好墳籍聚書至萬餘卷率多異本與沈約任昉家書相埒少篤志精力於書無所不覩其文麗逸多用新事人所未見者世重其富僧孺集十八州譜七百一十卷百家譜集抄十五卷東南譜集抄十卷文集三十卷兩臺彈事不入集內爲五卷及東宮新記並行於世

王僧孺傳

唐李延壽

王僧孺字僧孺東海郟人也魏衛將軍肅八世孫也曾祖雅晉左光祿大夫儀同三司祖準之宋司徒左長史父延年員外常侍未拜卒僧孺幼聰慧年五歲便機警初讀孝經問授者曰此書何所述曰論忠孝二事僧孺曰若爾願常讀之又有餽其父冬李先以一與之僧孺不受曰大人未見不容先嘗七歲能讀十萬言及長篤愛墳籍家貧常傭書以養母寫畢諷誦亦了仕



齊爲太學博士尚書僕射王晏深相賞好晏爲  
丹陽尹召補功曹使撰東宮新記司徒竟陵王  
子良開西邸招文學僧孺與太學生虞羲立國  
賓蕭文琰立令楷江洪劉孝孫並以善辭藻游  
焉而僧孺與高平徐寅俱爲學林文慧太子欲  
以爲官僚乃召入直崇明殿會薨出爲晉安郡  
丞仍除侯官令建武初舉士爲始安王遙光所  
薦除儀曹卽遷治書侍御史出爲錢塘令初僧  
孺與樂安任昉遇於竟陵王西邸以文學會友

及將之縣昉贈詩梁天監初除臨川王後軍記  
室待詔文德省出爲南海太守南海俗殺牛曾  
無限忌僧孺至便禁斷又外國舶物高涼生口  
歲數至皆外國賈人以通貨易舊時州郡就市  
回而卽賣其利數倍歷政以爲常僧孺歎曰昔  
人爲蜀郡長史終身無蜀物吾欲遺子孫者不  
在越裝並無所取視事二歲聲績有聞詔徵將  
還郡中道俗六百人請闕請留不許至拜中書  
侍郎領著作復直文德省撰起居注中表簿遷



尚書左丞俄兼御史中丞僧孺幼貧其母鬻紵布以自業嘗携僧孺至市道遇中丞鹵簿驅迫墜溝中及是拜日引騶清道悲感不自勝頃之卽真時武帝制春景明志詩五百字敕沈約以下辭人同作帝以僧孺爲工歷少府卿尚書吏部郎參大選請謁不行出爲仁威南康王長史蘭陵太守行府州國事初帝問僧孺妾媵之數對曰臣室無傾視及在南徐州友人以妾寓之行還妾遂懷孕爲王典籤湯道愍所糾逮詣南

司坐免官久之不調友人廬江何炯猶爲王府記室僧孺乃與炯書以見其意後爲安成王參軍事鎮右中記室參軍僧孺工屬文善楷隸多識古事侍郎金元起欲注素問訪以砭石僧孺答曰古人當以石爲針必不用鐵說文有此砭字許慎云以石刺病也東山經高氏之山多針石郭璞云可以爲砭針春秋美疢不如惡石服子慎注云石砭石也季世無復佳石故以鐵代之爾轉北中郎諮議參軍入直西省知譔譜事



先是尚書令沈約以爲晉咸和初蘇峻作亂文籍無遺後起咸和二年以至於宋所書並皆詳實並在下省左戶曹前廂謂之晉籍有東西二庫此籍旣並精詳實可寶惜位宦高卑皆可依案宋元嘉二十七年始以七條徵發旣立此科人姦互起僞狀巧籍歲月滋廣以至於齊患其不寔於是東堂校籍置郎令史以掌之兢行姦貨以新換故昨日卑細今日便成士流凡此姦巧並出愚下不辨年號不識官階或注隆安在元興之後或以義熙在寧康之前此時無此庸此時無此國元興唯有三年而猥稱四五詔書甲子不與長歷相應校籍諸郎亦所不覺不才令史固自忘言臣謂宋齊二代士庶不分雜役臧闕職由於此竊以晉籍所餘宜加寶愛武帝以是留意譜籍州郡多離其罪因詔僧孺改定百家譜始晉太元中員外散騎侍郎平陽賈弼篤好簿狀乃廣集衆家大搜群族所撰十八州一百一十六郡合七百一十二卷凡諸大品略



無遺闕藏在祕閣副在左戶及彌子太宰參軍  
匪之匪之子長水校尉深世傳其業太保王弘  
領軍將軍劉湛並好其書弘且對千客不犯一  
人之諱湛爲選曹始撰百家以助銓序而傷於  
寡略齊衛將軍王儉復加去取得繁省之衷僧  
孺之撰通范陽張等九族以代鴈門解等九姓  
其東南諸族別爲一部不在百家之數焉普通  
二年卒僧孺好墳籍聚書至萬餘卷率多異本  
與沈約任昉家書埒少篤志精力於書無所不  
覩其文麗逸多用新事人所未見者時重其官  
博集十八州譜七百一十卷百家譜集抄十五  
卷東南譜集抄十卷文集三十卷兩臺彈事不  
入集別爲五卷及東宮新記並行於世



人集限爲正卷又東宮侍讀並行世  
卷東南齋集外十卷文集三十卷兩臺戰事不  
軒集十八批譜子百一十卷百家譜集外十五  
勝其文雖多多用詩事入詞未具音韻重其寫

爲蕭揚州薦士表

梁任 昉

臣聞求賢暫勞垂拱永逸方之疏壤取類導川  
伏惟陛下道隱旒纒信克符璽六飛同塵五讓  
高世白駒空谷振鷺在庭猶懼隱鱗卜祝藏器  
屠保物色關下委裘河上非取製於一狐諒求  
味於兼采而五聲倦響九工是詢寢義廟堂借  
聽輿皂臣位任隆重義兼家邦實欲使名實不  
違徽倖路絕勢門上品猶當格以清談英俊下  
僚不可限以位貌竊見秘書丞琅邪臣王暕年



二十一字思晦七葉重光海內冠冕神清氣茂  
允迪中和叔寶理遣之談彥輔名教之樂故以  
暉映先達領袖後進居無塵雜家有賜書辭賦  
清新屬言玄遠室邇人曠物疎道親養素丘園  
含嚙虛位庠序公朝萬夫傾首豈徒荀令可想  
李公不亡而已哉前晉安郡侯官令東海王僧  
孺年三十五理尙棲約思致恬敏旣筆耕爲養  
亦傭書成學至乃集螢映雪編蒲緝柳先言往  
行人物雅俗甘泉遺儀南宮故事畫地成圖抵  
掌可述豈直鼯鼠有必對之辯竹書無落簡之  
謬疎坐鎮雅俗弘益已多僧孺訪對不休質疑  
斯在竝東序之秘寶瑚璉之茂器誠言以人廢  
而才實世資臨表悚戰猶懼未允不任下情



而木實甘貧韻未刺彈餘韻未允不封不封  
淇水並東阜之淋寶賤軒之其器滿言以入  
齋卿坐與蘇谷益日多會謝前定不亦實  
卷百並豈直翠鼠有必挫之聲山言無容謝之

別王丞僧孺

齊謝朓

首夏寔清和餘春滿郊甸花樹雜為錦月池皎  
如練如何當此時別離言與宴留旗已鬱紆行  
舟亦遶衍非君不見思所悲思不見

贈王僧孺

梁任昉

惟子見知惟余知子觀行視言要終猶始敬之  
重之如蘭如芷形應影隨曩行今止百行之首  
立人斯著子之有之誰毀誰譽脩名既立老至  
何遽誰其執鞭吾為子御劉略班藝虞志荀錄



伊昔有懷交相欣勗下帷無倦升高有屬嘉爾  
晨燈惜余夜燭

入蘭臺贈王治書僧孺 梁吳均

故人楊子雲校書麟閣下寂寞少交遊紛綸富  
文雅予爲隴西使寓居洛陽社相思非不深行  
行避驄馬

### 遺事

王僧孺被勅撰譜訪劉杳血脈所因杳曰桓譚  
新論云太史三世表並効周譜以此而推當起  
周代僧孺曰可謂聞所未聞 梁書

張由古謂同官昨買得王僧孺集大有道理杜  
文範知其誤應聲曰文範亦買得張佛袍集勝  
僧孺遠矣由古竟不之覺



交強以其疑割犂曰文強亦買身

表由古購同官報買縣王割犂

風升曾濼曰可晴開池未間

燕歸云太史三廿表並故周

王曾濼燕也與雷信機有血

八  
濼車





程